

## **Memorandwm Esboniadol ar gyfer Rheoliadau Dileu Atebolrwydd dros Fenthyciadau i Fyfyrrwyr ar Gostau Byw (Cymru) 2023**

Lluniwyd y Memorandwm Esboniadol hwn gan yr Is-adran Addysg Uwch a Chyflawni ac fe'i gosodir gerbron Senedd Cymru ar y cyd â'r is-ddeddfwriaeth uchod ac yn unol â Rheol Sefydlog 27.1.

### **Datganiad y Gweinidog**

Yn fy marn i, mae'r Memorandwm Esboniadol hwn yn rhoi darlun teg a rhesymol o effaith ddisgwyliedig Rheoliadau Dileu Atebolrwydd dros Fenthyciadau i Fyfyrrwyr ar Gostau Byw (Cymru) 2023.

Jeremy Miles AS  
Gweinidog y Gymraeg ac Addysg

04 Mai 2023

## **1. Disgrifiad**

Mae'r Rheoliadau hyn yn darparu ar gyfer dileu hyd at £1,500 o fenthyciad ar gostau byw (a elwir hefyd yn fenthyciad cynhaliath) myfyriwr israddedig llawn-amser ar gyfer blwyddyn academiaidd 2023/2024 o dan amgylchiadau penodol. Bydd y dilead yn cael effaith o'r diwrnod ar ôl y dyddiad y bydd ad-daliad cyntaf y myfyriwr ar ei fenthyciad wedi ei gael.

## **2. Materion o ddiddordeb arbennig i'r Pwyllgor Deddfwriaeth, Cyfiawnder a'r Cyfansoddiad**

Dim.

## **3. Y cefndir deddfwriaethol**

Gwneir y Rheoliadau hyn gan Weinidogion Cymru drwy arfer y pwerau a roddir i'r Ysgrifennydd Gwladol gan adran 22 (1)(a), (2)(g), (3)(d) a 42(6) o Ddeddf Addysgu ac Addysg Uwch 1998 ("Deddf 1998") ac sydd bellach yn arferadwy ganddynt hwy o ran Cymru.

Trosglwyddodd adran 44 o Ddeddf Addysg Uwch 2004 swyddogaethau perthnasol yr Ysgrifennydd Gwladol o dan adran 22 o Ddeddf 1998 i Gynulliad Cenedlaethol Cymru a sefydlwyd gan Ddeddf Llywodraeth Cymru 1998. Trosglwyddwyd swyddogaethau'r Ysgrifennydd Gwladol o dan adran 42(6) o Ddeddf 1998 i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999. Trosglwyddwyd pob un o'r swyddogaethau hyn wedyn i Weinidogion Cymru yn rhinwedd adran 162 o Ddeddf Llywodraeth Cymru 2006 a pharagraff 30 o Atodlen 11 iddi.

Bydd myfyrwyr israddedig sy'n cael benthyciad ar gostau byw gan Weinidogion Cymru ym mlwyddyn academiaidd 2023/2024 yn gwneud hynny o dan Reoliadau Addysg (Cymorth i Fyfyrywyr) (Cymru) 2017 (O.S. 2017/47 (Cy. 21)) neu Reoliadau Addysg (Cymorth i Fyfyrywyr) (Cymru) 2018 (O.S. 2018/191 (Cy. 42)), gan ddibynnu ar ba bryd y mae eu cwrs yn dechrau.

Mae darpariaethau sy'n ymwneud ag ad-dalu benthyciadau ar gostau byw wedi'u cynnwys yn Rheoliadau Addysg Benthyciadau i Fyfyrywyr 2009 (O.S. 2009/470), (fel y'u diwygir) a wnaed ar sail gyfansawdd gan Weinidogion Cymru a'r Ysgrifennydd Gwladol o dan adrannau 22 a 42 o Ddeddf 1998 ac adrannau 5 a 6 o Ddeddf Gwerthu Benthyciadau Myfyrywyr 2008.

Bydd yr offeryn hwn yn dilyn y weithdrefn penderfyniad negyddol.

## **4. Diben y deddfwriaeth a'r effaith y bwriedir iddi ei chael**

Mae'r Rheoliadau hyn yn gwneud darpariaeth i fyfyrywyr, sy'n cael benthyciad ar gostau byw gan Weinidogion Cymru ar gyfer blwyddyn academiaidd 2023/24

mewn cysylltiad â chwrs israddedig llawn-amser, elwa ar ostyngiad o hyd at £1,500 ym malans eu benthyciad pan fyddant yn dechrau ad-dalu eu benthyciad. Ni fydd hyn ar ffurf cyfandaliad arian parod; yn hytrach bydd balans benthyciad unigolyn yn cael ei ostwng gan y swm priodol y diwrnod ar ôl i ad-daliad cyntaf y benthyciwr gael ei wneud.

Dim ond unwaith y gall myfyriwr gael dilead rhannol; ni all gael dilead rhannol mewn cysylltiad â blwyddyn academaidd 2023/24 os yw eisoes wedi cael dilead mewn cysylltiad ag unrhyw flwyddyn academaidd flaenorol. Ni fydd gan fyfyriwr hawl i gael dilead rhannol os oes unrhyw gosbau neu daliadau heb eu talu neu os yw'n torri cytundeb ei fenthyciad neu unrhyw reoliadau a wneir o dan adran 22 o Ddeddf 1998.

## **5. Ymgynghori**

Ni chynhaliwyd ymgynghoriad gan fod y Rheoliadau hyn yn barhad o bolisi presennol a fydd yn gymwys i flwyddyn academaidd yn dechrau ar, neu ar ôl, 1 Awst 2023.

## **6. Asesiad Effaith Rheoleiddiol**

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ni chynhaliwyd Asesiad Effaith Rheoleiddiol.

Mae'r offeryn statudol hwn yn cael ei gynnwys yn yr eithriadau a nodir yn y cod gan mai diwygiadau ffeithiol yn unig sy'n cael eu gwneud er mwyn diweddarau is-ddeddfwriaeth. Nid yw'r rhain yn newid y polisi na'i effaith yn arwyddocaol mewn unrhyw fodd na sut y mae'n cael ei ddefnyddio mewn sefyllfa benodol.

Mae'r polisi hwn wedi parhau ym mhob blwyddyn academaidd ers 2010/11, drwy reoliadau a wneir yn flynyddol. Ni fu newid yn y polisi; dim ond diweddarau'r flwyddyn academaidd y bydd y polisi'n weithredol yn ei hystod, hynny yw 2023/24, y mae'r offeryn statudol.